

靈寶無量度人上品妙經卷之三十七

黃七

靈寶無量度人上品妙經卷之三十七 黃七

七星除祆品

道言昔於北清玄靈天中大魁羅上妙寶華
土受元始度人無量上品玄靈妙天內號太
虛無上常容天其天帝主名曰總監鬼神居
其宮殿思道因緣言我植福位為天帝住不
遷界中與北方諸天世界通為一境十方天
中及以天下一切大力鬼神國土咸我部屬
我以福業故周足神通禁制魔種歸依三清
奉太上玉律金科威被鬼爽而今元始上帝

當降此天爲諸天人十方衆生說無量度人
無上法門我今處極真世界聞聽法味實爲
忻快當與天中聖人僊真一切部寮男女等
衆遠詣玉京恭請元始天尊降此天中爲衆
說法救命侍香金童都文瑜傳言玉女馮道

黃七

倩啓藥玉九色之蘊索三天降真洞瓊寶香
然丹天火玉驛龍捧爐千真奏煙靈幡寶幢
竒花珍供百千萬人俱詣玉京蕭臺金闕叩
禮元始三說其辭仰祈大慈不違本念降眄
天中宣演道法度脫一切開通靈虛使內識

洞玄外伏魔試再拜長跪伏俟聖言天尊告
曰吾本無形以道爲質住此玉京散爲五形
變神萬億吾今住此見爲十方無極世界無
量衆生各各演說法要明曉至真示玄清之
路汝所居天上千無色下臨崑山傍及北臺

幽嶽鬼都無不統御北清玄靈俯及酆羅近
於海際密與人境支連貫接人世衆錯臭濁
難堪爲諸六天遊精八方鬼神殺戮啖食一
切人民不滿天壽橫被天傷於三元本命年
限運會之上陰謀鬼吏構說冥官妄作災凶

種種刑害是致呼魂之聲趣死之哀不絕於
耳覩此厄害身縈災疾我今欲下彼天說度
人法汝以挺生空洞乘此天位未明至道微
妙大法吾以妙无天帝出生三氣三寶天君
造立混沌分別萬天使帝闕列峙億真翔集

黃七

二

三萬六千日月一時同明吾以是也吾下化
爲玉宸大混居紫玉寶闕華蓋之下紫微垣
中號北極大帝龍衣玄服垂條大弁左右十
二元士雷公霹靂居其傍三十六將衛其後
五帥四德導其前赤明開圖之初爲上清神

公開皇之後為北陰大帝平定功成位居中
天紫極之庭十方世界望之不動謂之辰樞
者是也然有形皆動惟無形不動北極星與
羣星相遠三度有竒而中空者北辰上帝真
形也望之炯炯五星輝映熒熒有光者帝座
也但可見座豈可遽謁其帝也此北極大帝
總制三界星宿鬼神萬神千靈莫不叩頭請
命五嶽四瀆山川之神皆再拜伏候乞請水
旱風雨北極是吾第五化身位居皇極正統
玉帝為祖立太空之元在九宮則號中黃太

一衣紫錦袍腰十二流金火鈴狀如嬰兒手
把七元口吐青色今居天中蔭華蓋乘斗車
履三台席大角坐明堂左右七人服紫繡者
北斗七星之精也汝宜往彼請下天中論說
法要開度天人天帝聞是說已整冠執圭再

黃七

三

拜臣今上請北極帝君降此天宮願聞大法
乃與天衆辭禮元始下詣中黃紫庭華宸玉
闕之下真官導前執法從後徑達北極大帝
御前具陳上事再拜作禮辭懇志切涕泗交
下帝君被玄龍之服以降言曰吾上爲元始

天尊敷揚至教當允斯請于是天帝垂光俯
眄北清玄靈太虛無上常容天中寶闕之內
三氣寶明之殿將昇法座當說是經周廻十
過以召十方始當詣座五天大神七元真君
上聖高尊太虛真人無鞅數衆乘空而來彩
霞亘虛雲光四布瓊臺鳳駕羽節金幢雜色
寶蘊翁暖鬱勃洞煥太無七日七夜諸天神
真日月飛仙星真雲將璇網玉緯一時停輪
剛風啓韻豁落流光山川林木緬同玉色土
變碧瑤柔明瑩潤衆真侍座北極帝君先嚮

玉京心拜元始至恭修敬乃登玄空浮光五
色龍臺之座說經一遍諸天大聖同時稱善
是時一國男女皆聽北極帝君宣標玄旨無
量度人七星除祆最上法要說經二遍七星
明耀玄符見空說經三遍巨斧鑿天山開石
裂說經四遍乾坤交泰四海澄源說經五遍
僊樂滿空靈香遠馥說經六遍天虹周遍跨
空成橋說經七遍七真下觀魔精喪膽說經
八遍鬼帝驚逃萬魔摧伏說經九遍天垂甘
露珠璣散飄說經十遍鬼神悟道幽品登僊

是時一國是男是女莫不傾心皆受護度咸
得長生

道言是時北極帝君說經一遍東方無極無
量品天斗七星除祆大神無鞅之衆浮空而
至說經二遍南方無極無量品人斗七星除

黃七

四

祆大神無鞅之衆浮空而至說經三遍西方
無極無量品地斗七星除祆大神無鞅之衆
浮空而至說經四遍北方無極無量品陰斗
七星除祆大神無鞅之衆浮空而至說經五
遍東北無極無量品鬼斗七星除祆大神無

鞅之衆浮空而至說經六遍東南無極無量
品陽斗七星除祆大神無鞅之衆浮空而至
說經七遍西南無極無量品遁斗七星除祆
大神無鞅之衆浮空而至說經八遍西北無
極無量品升斗七星除祆大神無鞅之衆浮
空而至說經九遍上方無極無量品飛斗七
星除祆大神無鞅之衆浮空而至說經十遍
下方無極無量品降斗七星除祆大神無鞅
之衆浮空而至十遍周竟十方無極天真制
魔除祆大神一時同至一國男女傾心歸仰

來者各各發心願除累劫以來心不正真穢
念充塞三尸遊蕩七魄妬害交通鬼氣及諸
魔類使有法病見道不明雖處人天墮入流
轉乃至證位諸地暫登真階以魔精入心欲
試惑亂念動塵起支緣傍對起無量因作百

黃七

五

千業今聞北極大帝宣說七星除祆拔邪護
正之法開迷翳眼蹈玄清路趣高真品慚愧
頂禮無鞅數衆佇立傾聽於是北極仰天俯
地觀察萬彙運無量心啓靈寶慧普告大衆
元始未生曠劫無跡混沌既坼七竅乃張大

爲日月細爲星辰日月五星總號七元而配
屬北斗北斗十二星五星爲隱曜斗口之中
有天一太一二十四玉皇光芒不顯惟七曜
大明彰示萬方七星之精在人七竅亦分其
神能視聽言動知識悉皆由也輔弼二星之
精分降爲目中瞳子七星之神有陰魄陽魂
及正星之神斗中除祿之神有五帥四德七
千神將天罡河魁大殺大角豁落立斗黑衣
玄冥七殺之神以滅除兇祿蕩逐魔鬼兆能
齊心修齋服佩符籙奏告懇祝則七星大神

下降兆所立除祆害有能稽索道要勤企止
清七星之神教兆上道飛昇神僊七祖升度
鍊化自然七星之精三辰五斗九宮八卦之
妙皆在于是聖人之心七星降神華房之內
方寸七室微妙祕諱不可宣泄已登上真後

復爲此北極即於法會之中說經都竟衆真
監度以授於我當此之時喜慶難言法事粗
悉諸天復位倏欵之間寂無遺響是時天人
遇值經法普得濟度全其本年無有中傷七
星垂光光映真形内生玄丹外除祆精傾土

歸仰奉教遵行除魔除幻除妄除想除愛除
有除見除得除疑除邪言中天律口無非聲
齊同慈愛異骨成親國安民豐欣樂太平經
始出教一國以道預有至心宗奉禮敬皆得
度世

黃七

六

道言北極帝君說經中所言並是七星天中
列帝內名隱韻之音亦是北帝內諱百神之
隱名也非世之常辭上聖已成真人通玄究
微能悉其章誦之十過八威揚兵五天擲火
魔王警陣星使騁軒甲卒億萬斬邪除祛燒

霞燎空金鉞寫光羣魔束形鬼精滅夾回屍
起死白骨成人至學之士誦之十過則七元
降真三界稽首魔精喪眼鬼袂滅夾濟度垂
死絕而得生所以爾者學士欽詠洞章斗元
布氣殺伐袂祥掃蕩穢氣體將洞真召制十
方威未制天政德可服御地祇束縛魔靈但
却死而已不能更生輕誦此章身則被殃供
養尊禮門戶興隆世世昌熾與善因緣萬災
不干神明護門斯經尊妙獨步玉京度人無
量為萬道之宗巍巍大範德難可勝

道言凡誦是經十過斗中天騶七星大神天帝使者齊到爲兆除祆驅斷不祥億曾萬祖幽魂苦爽皆即受度上升朱宮格皆九年受化更生得爲貴人以誦詠此經身神明正氣無陳故則玄堂啓關魂爽超越不拘冥昧而

黃七

七

好學至經功滿德就皆得神僊飛升金闕遊宴玉京也上學之士修誦是經七真登房妙極空常往返三周履星蹈網漱雲嚙液魂魄俱翔變化上清壽與天長皆即受度飛升南宮世人受誦拱侍北辰坐致神女風送雨迎

左據魑魍右揖魑魁六丁輔兆捕鬼搜尸則
延壽長年後皆得作尸解之道魂神暫滅不
經地獄即得返形遊行太空此經微妙普度
無窮一切天人莫不受慶無量之福生死蒙
惠上天所寶不傳下世至士齋金寶效心盟
天而傳輕泄漏慢殃及九祖長役鬼官侍經
五帝王童玉女各二十四人營衛神文保護
受經者身

道言正月長齋誦詠是經七星真君開北玄
之錄校別罪魂斗中司命鍊七星之光導引

冥靈爲上世亡魂斷地逮役度上南宮七月
長齋誦詠是經七星魁宮之氣紫光如絃灌
兆泥丸星中大神七人扶胥兆身遊行斗關
身得神僊諸天書名黃籙白簡削死上生十
月長齋誦詠是經斗中天皇手把七星爲兆
除袂赤帝黃老與兆陶魂同蔭華宸坐卧七
星星精入腦真火鍊形泥丸紫君厥諱規英
金床玉帳紫繡錦裙腰帶火鈴除袂滅精福
慶自生位極人臣爲國王帝主君臣父子安
鎮國祚保天長存世世不絕常爲人君安鎮

其方民稱太平八節之日誦詠是經七星光
色連布八方北帝位中九宮齊同一白二黑
貪巨爛空下代鬼祖斷遏衰凶得為九宮真
人本命之日誦詠是經子魁午魁丑未二宮
下臨生位七星迴陽延兆天年賜壽無疆魂
黃七
神澄正萬氣長存不經苦惱身有光明三界
侍衛五帝司迎萬神朝禮名書上天功滿德
就飛昇上清

道言行道之日皆當香湯沐浴齋戒入室
東向叩齒三十二通上聞三十二天心拜

三十二過閉目靜思身坐紫青絳三色雲
氣之中內外翳冥七星覆頭五藏真氣繞
絡身相脾生黃氣出頂成雲存見北極金
容天馬千萬青龍白虎朱雀玄武獅子白
鶴羅列左右日月照明洞煥室內項生圓
象光映十方如此分明密呪曰

無上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經無量度人願所啓上徹

徑御

無上三十二天元始上帝至尊几前畢

引炁三十二過東向誦經

元始無量度人上品妙經

黃七

九

元始洞玄靈寶本章七星除祿元網度人天
闕運幹離合自然天有三魂二景含晶天有
七魄七曜流精華蓋曲直三五飛昇紫雲爲
關綠煙蒙蒙中有北極金城九重山環峯列

玄草垂茸洞戶鬱香清虛八通頭建魁剛足
履玄龍手揮碧霞鳴玉叩鍾天丁九首四目
老翁秉仗金鉞息滅祆凶璇珠爲樞運機惟
空真道自然光泛九宮立斗大神霹靂靈靈
眇莽九醜衣斗乘風吐毒噴火衛世無窮鬼
爽竄伏神府靈明青氣灌滌混合百神金闕
玉房赤鏡飛光流雲萬丈周遍八冥中有七
星除祆之神中有天猷紫極之尊中有景霄
太帝之真中有天丁縛龍大神中有玄天黑
殺四德五帥之君中有天蓬威化玄曜真君

中有太元真紐網紀關七星尊神廻骸起死
無量度人今日校錄諸天臨軒

東方無極星符神王長生大聖無量度人
南方無極星殺神王長生大聖無量度人
西方無極星氣神王長生大聖無量度人
北方無極星台神王長生大聖無量度人
東北無極星藏神王長生大聖無量度人
東南無極星使神王長生大聖無量度人
西南無極星河神王長生大聖無量度人
西北無極星令神王長生大聖無量度人

上方無極星威神王長生大聖無量度人
下方無極星根神王長生大聖無量度人

十方至真七星除祆神王長生度世無量大
神並乘七星燿羅之雲八色光明之輦天馬
為馭辟非驂羣六甲備駕天丁揚威徘徊丹

黃七

十

霞翱翔胎僊建翠旄之節流光靈幡前嘯紫
鳳齊唱後從玄獸同鳴獅子白鶴嘯歌嚙嚙
天一啓途神兵翼轅億乘萬騎浮空而來傾
光迴駕監真度生星宮丞相九霄上官天英
主錄元斗大神執籙把籍齊到帝前隨所應

度嚴校諸天七星寶宮七元真君帶月引日
龍巾虎裙蒼舌虎賁北極神君赤書火籙黑
籍黃文蕩除祆蠶飛屍遊魂斬馘無拘束送
泰山普告三界無極神鄉泉曲之府北都羅
酆三官九署十二河源上解祖考億劫種親
疾除罪簿落滅惡根不得拘留逼合鬼羣元
始符命時刻升遷北都寒池部衛形魂七星
除祆度品南宮死魂受鍊僊化成人身身受
度劫劫長存隨劫輪轉與天齊年永度三塗
五苦八難超凌三界逍遙上清上清之天天

帝玉真無色之境梵行

天真皇人曰北斗七星除祆之真北極大
帝代元始天尊說付授雲宮紫房明威真
人明威位為高真序稱道言理亦有在其
三十二天者以三十二天為輞二十八宿
黃七
為輪七星為箱二曜為轄北極為樞總於
四方三十二天枝連蒂固也亦東南西北
為次每天之色下貫九宮析而為九真合
而成大洞學者明之

東方八天

康化盡明天

帝樂耽內生

禧禔成光天

帝無圖理宗

却宴正緒天

帝宛伯祁

空常梵无天

帝眇逐韓盧

協真司真天

帝剛杜巽隅

朱極玩時天

帝角衣普招

希微蒙素天

帝阿丹題昌


祖元慶淑天

帝香平彌強

七星真君除祆神符

施有祆處

東方直符吏八人



南方八天

浩都火象天

著師滋妙天

章岐善化天

帝圖上炎天

銖覽台賢天

遼方頓微天

帝趙天僊長

帝瑤宗重光

帝乾河預沙

帝定觀生

帝確震曲東

帝靡期无垠

善譙鎮星天

帝皇玄越南


變嶽呼雲天

帝婁景瑞長

七星護生神符

房堂中安

南方直符吏八人



西方八天

巢平演炎天

帝伏屹偃山

常鍊栢空天

帝獸路主基

錄齊鏡張天

帝璣梁核羲

灼華奏素天

帝漠羽擎諦

璉祭鼎元天

帝赫由忌孫

大始順陽天

帝雲延慶標

黃七

十二

正遠感化天

帝仇蘭已蓬


素明耀姿天

帝耿演符驩

七星斬鬼神符

置廟社中

西方直符吏八人



北方八天

皇淵靜極天

黃七

順明宗化天

曆鮮玄都天

寥府祐祠天

靈化梵光天

玄天玉明天

帝元晶持關

十三

帝昊禹神

帝邊茲倚聰

帝龍輔玉

帝籥統鬱秀

帝混育九真

六成耀靈天

帝寶真魔


斗芒振感天

帝總丘光

七星除病神符

治一切病

北方直符吏八人



已上七星除祆四符吞帶貼燒灰丹書
香水調男女通用

三十二天三十二帝諸天隱諱諸天隱名天
中空洞自然靈章七星之音七星之尊七星
之神七星大魔七星之靈九和十合變化上
清無量之奧深不可詳八萬四千大小之星
天河九部子真天狼玄身獸狀威禁尊神北
極七星至真之形爾能知之祇氣無干鬼戶
蕩滅元斗飛精神變氣化無量通靈青身三
髻黃目烏形一十八角十二飛輪或變女子
繡衣丹裙或爲老人紫綬玄巾或變赤蛇巨
蟒龜身吐火放煙擲鈴興雲天地未生七星

混冥昊皇聖母生成崑崙七星之精變為七
真首戴玉幘披青佩金梵炁成符上帝玄文
東斗開生碧落乘煙西斗皓華景燿飛天北
斗玄輝變化真僊目奪日光手握天關南斗
赤精乘龍仗播司執典錄統御無邊中斗帝

黃七

十四

氣寶冠垂蓮身御龍袞佩帶五篇前引天剛
萬神莫干青天魔王斌齒元成赤天魔王林
志方生白天魔王文朱育英黑天魔王黃道
玄明黃天魔王合混元精五帝大魔王神之
宗飛行鼓從總領鬼兵麾幢鼓節遊觀太空

自號赫奕諸天齊功上天度人嚴攝北豐七
星七殺普掃不祥玄龜召氣丹蛇敷張巨靈
擊鍾神妃奏香蒼舌大帥綠齒神王是稟七
星變化威光黑氣翳空海風激揚流火熾然
電女回璫龍旗橫天摧震輝煌魔鬼剗腦袂
黨伏藏三官北豐明檢鬼營不得容隱金馬
驛呈普告無窮萬神咸聽三界五帝列言上
清穹碩玉京眇浩無垠元氣成雲紫明寶輪
熠耀太空牢植天根根連風澤洞虛生龍陰
陽交進動化飛騰太光玄甲一十二元身蟠

碧霞背負神淵日月傍流寶仞三玄萬化合
景炤灼浮明三十五分二十八辰爲天形容
幹運圓羅氏房參尾回旋皓華角亢昂胃飛
騰絳霞中有雲網光環帝宮魁魁醜醜魁
魁童七大神王變化天蓬億萬火兵十八目

黃七

十五

翁嘯鼓黑氣巨電蒼龍剛風神虎南丹玉童
斬除羣妖馘滅鬼鋒天上天下無幽無冥無
形無影無極無窮溟濤大梵遼廓無光七元
威光照滅不祥三辰合明太一奉章玉帝下
觀黃旗召靈空梵成結玉符寶文刻書金簡

混九元陽靈瑞自生玄臺紫堂梵氣彌羅萬
範開張分度流演三十二天旋軫歷房回度
北玄七星炯灼總氣上元八景冥合氣入玄
玄玄中斗星北極高尊泛景太微同會句陳
金真執書簡奏天皇玉音召氣靈化舒光清
虛鬱燿輪轉萬方千和萬合自然成真真中
有神元斗大君元羅帝一黃素飛僊太一司
命桃康合延此諸大神即爲七星分化之神
七神在身除祆鍊真天有三台人有三魂天
有七星人有七魄三魂主陽七魄主陰三台

六星虛精六溥合會曲生天尸地尸及與人
尸共爲六神招真降靈除滅祆氛執符把籙
保命生根上遊上清出入華房八冥之內細
微之中下鎮人身大洞泥丸絳宮玄氣混合
百神十轉回靈萬氣齊僊僊道貴生無量度
人上運七星飛天法輪罪福禁戒宿命因緣
普受開度死魂生身身得受生上聞諸天諸
天之上各有生門中有空洞謠歌之章七星
靈篇辭參高真

第一七星童子飛空之音

元斗飛杓

廣大真星

日耀電火

誅伏魔兵

司執元化

鎮守天門

首建紫微

擲火流金

回布九道

北極之真

斡旋二儀

總統百靈

三十六童

玉冠珠纓

主校園籍

黃七

十六

持握生成

威光無量

魔怪潛形

斬邪捕鬼

正道流行

消滅九醜

天清地寧

第二七星玉妃之章

碧雲層層

錦華明輝

中有帝靈

內號玉妃

推籌布策

行天四時

電光豁落

星網陸離

御兵九重

為世除祲

致福却禍

正道昭昭

玉符四飛

萬惡蠲消

元化蕩蕩

貫氣紫霄

一受真妙

形神不凋

戴九履玄宮

周流四象中

太微回靈燿

神府自幽通

第三七星神王歌曰

黑甲橫天

三官列言

真魔神帥

備兵億千

天蓬履元一

坤母啟金扉

離英肇帝真

回光衝大微

巍巍神霄尊

駕龍耕瓊芝

香氣鬱元綱

靈照洞神池

旋步雲羅上

流爛散天谿

二五混玄景

三元陳玉機

綜錯理皇運

御氣合僊飛

丹靈曜幽闕

青童啓霄扉

除祆輔正道

我道日昌輝

黃七

十七

此三界之上飛空之中星真歌音音參洞章

誦之百遍名度南宮誦之千遍魔王保迎萬

遍道備飛升太空過度三界位登僊公有聞

靈音七星衛形敕制地祇侍衛送迎拔出地

戶五苦八難七祖升遷永離鬼官魂度朱陵
受鍊更生是謂無量普度無窮有祕上天文
諸天共所崇泄慢墮地獄禍及七祖翁

道言此二章並是諸天上帝及至靈魔王七
星神王僊真隱祕之音皆是大梵之言非世
上常辭言無韻麗曲無華宛皆七星除祆上
真重諱密妙之訣是謂玄奧難可尋詳上天
所寶祕於玄都神霄玉闕東藏依玄科四萬
劫一傳若有至人齋金寶質心依舊格告盟
十天然後而付焉

道言夫天地運度日月五星虧盈至聖神人
休否未學疾傷凡有此災皆六天大魔五方
大力惡鬼爲世祲蠱因生人之命天地厄會
作爲禍殃同氣皆當齊心修齋六時行香十
遍轉經福德立降消諸不祥無量之文普度
無窮

道言夫末學道淺或自營生業不識道真致
土石之精草木之怪山魃山魈木客人都鳥
都泉魁魍魎或稱古今廟社血食一切依附
爲民祲害祈告北極大帝七元尊星以丹砂

書七星真符燒灰以香水調服或佩帶自身
安貼堂房之上七星真君立降天兵剪除大
害變災為吉七星降庭授爾真要身得神僊
道言夫天地運終星宿錯度日月失昏四時
失度陰陽不調國境有災水火漂焚疫毒流

黃七

十八

行兆民死傷師友命過同契殞傷或是大力
魔神六洞鬼帥妄興祲變亦當修齋行香誦
經夫齋戒誦經功德甚重上消天災保鎮帝
王下攘毒害以度兆民生死受賴其福難勝
故曰無量普度天人

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人尅得為聖君金闕之臣諸天記人功過毫分無失天中魔王亦保舉爾身得道者乃當洞明至言也

諸天中大梵隱語無量音 明威真人撰

七星除祆玉篇

東方八天

渙都瓊樓 魂綦猷浮 洞鏡宛貳

嶽鄙顏仇 呂正燕驛 儻札遞侯

懃寂怨愿 京僅蕭侔 輪豫關璞

晉晝辯周 固遁靈疑 互瑩淙留

卦評杜盤 華逗燕彪 元直和敕

禧魯真收

南方八天

黃七

程計鄒強 挹需閔牙 紂閣師祥

十九

淵仍邈霞 冀類屏場 密圖景羅

湫滅殊芒 力扁盟柄 朱環柳檣

玄鍊可韓 魁漠救堂 幼諦炎墮

良便嬰鄉 美林斗樞 回混巖康

儔奕綿羅

西方八天

神途霄儀

著冥究麗

碧高慶和

雞堵曰達

莊池翊漿

夏智完休

廊定符司

馘豐秤微

僊輦光谷

罔穴鋒錐

席衍黃琥

綠索凝願

吳罔太煥

天庚聿拯

采錘伏祆

晶熒哀遼

北方八天

童總靈邃

刃截冥爽

衄清荼九

道注生鞅

璨華曜黨

頗淙慈精

良納胃藏

通羽聯鴻

剛婦瑤瑁

治巫允塞

魂箕井昂

泉獨興利

寶迪澤昉

玉誕赤玦

梵轆滬幾

意透飛驛

魁

魁

魁

魁

魁

魁

魁

攝

唐夏轄囚

珠絡入度

月妃東暄

七殺黑鬻

內一十六字七星隱文符書如左

扇求愿閨媿仙文袍龍琴獨幸我軍記堯記旗

厥莫欣皇欣甘頌句我于也魯記行記水

道言此北極紫微七星大梵隱語諸天大將
五斗大魔無量音舊文始生於北斗玉闕及
三台垣門之上推正七星軌度統制鬼神斬
邪除祲北君之祕文天真皇人昔書其文以
爲正音有知其音能齋而誦之者諸天皆遣

黃七

二十

飛天神王下觀其身書其功勤上奏諸天萬
神朝禮地祇侍門大勳魔王保舉上真道備
尅得遊行三界昇入金門此音無所不辟無
所不讓無所不度無所不成天真自然之音
也故誦之致飛天下觀上帝遙唱萬神朝禮

三界侍軒羣袂束首鬼精自亡琳琅振響十方肅清河海靜默山嶽吞煙萬靈振伏招集羣仙天無氛穢地無袂塵冥慧洞清大量玄玄也

元始無量度人上品妙經卷之三十七



